

CYNGOR SIR DDINBYCH **PROSIECTAU CYMUNEDOL**

Mae'r Prosiect yn dwyn yr enw " **Digwyddiadau Sgwâr Rhuthun, Gwelliannau Trydanol** " ("y Prosiect ") wedi derbyn grant o £1,284 ("y Grant") yn amodol ar y telerau a'r amodau a nodir isod.

Mae'n rhaid i bob hawliad gael eu gwneud gan **[Cyngor Tref Rhuthun]** ("yr ymgeisydd") a'u derbyn gan Gyngor Sir Ddinbych ("y Cyngor") erbyn **[14/01/2024]**

Mae'r Ymgeisydd yn cydnabod bod y Cyngor Sir yn cadw'r hawl i hawlio yn ôl y grant cyfan neu ran o'r grant ar unrhyw adeg os oes achos o dorri unrhyw un o'r telerau ac amodau sy'n berthnasol i'r prosiect hwn.

TELERAU AC AMODAU

Cynnig Grant a Derbyn

1. Rhaid i'r Ymgeisydd dderbyn y Grant yn ffurfiol yn ysgrifenedig cyn cychwyn y Prosiect.
2. Bydd y grant yn cael ei ddefnyddio gan yr Ymgeisydd yn llwyr at ddibenion ariannu'r Prosiect.
3. Mae'r Grant a ddyfernir gan y Cyngor yn gyfyngedig i'r Ymgeisydd ac ni chaiff a'r Ymgeisydd neilltuo unrhyw un o'i hawliau neu ymrwymadau isod yn llwyr neu'n rhannol.
4. Mae'n rhaid cwblhau'r prosiect o fewn 24 mis o ddyddiad y cynnig.

Cydymffurfio â Dogfennau Prosiect Cymeradwy ac Amrywio

5. Mae'n rhaid cyflawni'r prosiect yn llwyr yn unol â
 - 5.1 y Dogfennau Prosiect a Gymeradwywyd,
 - 5.2 y telerau a'r amodau sydd wedi eu cynnwys yn y ddogfen hon; ac
 - 5.3 unrhyw delerau ac amodau pellach a bennir yn y Llythyr Cynnig Grant
6. Rhaid i'r Ymgeisydd sicrhau bod y Prosiect yn cydymffurfio â holl ddeddfwriaethau perthnasol y DU a'r UE, a bod pob caniatâd, cydsyniad a chymeradwyaeth perthnasol yn cael eu derbyn.
7. Os yw'r Ymgeisydd yn darganfod yn ystod y Prosiect ei bod yn anymarferol i gyflawni'r Prosiect yn unol â'r Dogfennau Prosiect Cymeradwy, efallai y gellir gwneud diwygiadau ar ôl cael caniatâd ysgrifenedig gan y Cyngor, ni ddylid gwrthod caniatâd o'r fath yn afresymol.
8. Mae'r Cyngor yn cadw'r hawl ar unrhyw adeg i swyddogion y Cyngor neu asiantau a gymeradwywyd yn briodol i archwilio unrhyw agwedd ar y prosiect gan gynnwys unrhyw eiddo, cyfarpar neu waith cyn, yn ystod ac ar ôl cwblhau'r prosiect ac i ofyn am unrhyw wybodaeth bellach y maent yn ystyried yn briodol.

Talu'r Grant

9. Dylai'r Ymgeisydd hysbysu'r Cyngor cyn gynted ag y bydd yn dod yn ymwybodol o unrhyw achosion
lle na fydd y Grant llawn yn cael ei ddefnyddio.
10. Ar ôl cwblhau'r Prosiect yn ei gyfanrwydd neu ar ddiwedd y gwahanol gamau a amlinellir yn y Dogfennau Prosiect Cymeradwy, rhaid i'r Ymgeisydd gyflwyno cais ysgrifenedig prydlon am daliad Grant naill ai'n gyfan gwbl neu'n rhannol.
11. Rhaid i'r cais am daliad ddod gyda chyfrif(on) yn rhoi manylion yr holl wariant a wnaed mewn cysylltiad â'r Prosiect ynghyd â chadarnhad o ran y deilliannau y cytunwyd arnynt. Mae Cyfrif(on) yn golygu naill ai anfoneb neu yn achos prosiect adeiladu, anfoneb adeiladwyr cofrestredig neu Dystysgrif dros dro wedi'i llenwi ar ffurflen RIBA (Sefydliad Brenhinol Penseiri Prydain). Os bydd y cyfrif(on) hynny yn dangos gwariant is na chyfanswm y Grant, bydd y Grant yn cael ei leihau yn unol â hynny. Os bydd y cyfrif(on) hyn yn dangos gwariant yn uwch

na chyfanswm y Grant hwn, mae'r Ymgeisydd yn cydnabod na fydd unrhyw grant ychwanegol ar gael.

12. Bydd talu'r Grant naill ai'n rhannol neu yn gyfan gwbl yn amodol ar fod yr Ymgeisydd wedi cydymffurfio â'r holl delerau ac amodau.
13. Ni fydd TAW yn cael ei ystyried wrth gyfrifo'r Grant os yw'r ymgeisydd yn gymwys i adennill TAW.
14. Os canfyddir bod y Prosiect yn anfoddhaol, bydd yr Ymgeisydd yn cael gwybod yn ysgrifenedig. Ni fydd y Grant yn cael ei dalu lle y ceir fod unrhyw elfennau ar y prosiect yn anfoddhaol.

Yswiriant

15. Rhaid i'r Ymgeisydd yswirio'n gynhwysfawr yn erbyn pob risg i unigolion, eiddo neu offer sy'n cyfrifo am y Prosiect cyfan neu ran ohono sy'n deillio yn sgil neu mewn cysylltiad â'r Prosiect. Rhaid i'r Ymgeisydd yswirio gyda chwmni yswiriant ag enw da am gyfnod o 5 mlynedd o Ddyddiad Dechrau'r Prosiect ac os gofynnir yn darparu tystysgrif yswiriant blynyddol i'r Cyngor ei harchwilio.
16. Rhaid hysbysu'r Cyngor os yw yswiriant mewn mwy nac un enw neu os gwneir unrhyw hawliad.
17. Os bydd colled neu ddifrod i'r Prosiect cyfan neu ran ohono, rhaid i'r Ymgeisydd adfer neu amnewid hynny er bodlonrwydd y Cyngor.
18. Mae'r Ymgeisydd yn cydnabod ac yn derbyn nad yw'r Cyngor yn ac na fydd yn atebol am unrhyw golled sy'n deillio o neu mewn cysylltiad ag unrhyw Project a gynorthwyir.

Cadw Dogfennau

19. Dylai'r Ymgeisydd gadw'r holl ddogfennau gwreiddiol sy'n gysylltiedig â'r Prosiect at ddibenion archwilio am gyfnod o 7 mlynedd ar ôl gwneud y taliad olaf.
20. Mae'r Cyngor yn cadw'r hawl i ofyn am archwilio cyfrifon archwiliedig blynyddol o fewn 6 mis i ddiwedd blwyddyn ariannol yr Ymgeisydd. Bydd y nodiadau i'r cyfrifon yn rhestru derbyniadau grant penodol.

Cyfngiad/arwystl ar Eiddo

21. Rhaid i'r Ymgeisydd sicrhau caniatâd ysgrifenedig y Cyngor i waredu eiddo, offer neu asedau sy'n rhan neu'n gysylltiedig â'r Prosiect, drwy werthu, prydlesu, isosod, trwyddedu, ildio meddiant neu unrhyw warediad arall o fewn 5 mlynedd ar ôl y taliad grant terfynol.
22. Am gyfnod o 5 mlynedd o daliad terfynol y Grant, rhaid i'r Ymgeisydd sicrhau bod yr eiddo a/neu offer yn cael ei gadw mewn cyflwr da ac wedi'i atgyweirio yn sylweddol.

Ad-dalu'r Grant

23. Rhaid i'r Ymgeisydd ad-dalu'r Grant yn llawn ar gais os: -
 - a) Ceir fod yr Ymgeisydd wedi gwneud unrhyw gamliwiad mewn cysylltiad â'i gais
 - b) Yw'r Ymgeisydd yn methu â rhoi gwybod i'r Cyngor yn ysgrifenedig ei fod wedi derbyn cyllid ar gyfer y prosiect naill ai'n gyfan gwbl neu'n rhannol o unrhyw ffynhonnell arall
 - c) Yw'r Ymgeisydd yn torri unrhyw un o'r telerau a'r amodau a nodir yn y ddogfen hon ac yn y Llythyr Cynnig Grant
 - d) Yw'r Prosiect wedi newid yn sylweddol yn erbyn y manylion sydd wedi'u cynnwys yn y Dogfennau Prosiect Cymeradwy
 - e) Yw'r Prosiect yn methu yn sylweddol i gyflawni ei amcanion penodol sydd wedi eu cynnwys yn y Dogfennau Prosiect Cymeradwy
 - f) Yw'r Prosiect yn dod i ben neu'n newid yn sylweddol o fewn 5 mlynedd i ddyddiad y taliad grant terfynol neu os nad yw'r Grant yn cael ei ddefnyddio at ddibenion y Prosiect
 - g) Lle bo'r Ymgeisydd yn cynnwys mwy nag un person, bod unrhyw un neu ragor o'r personau hynny, os yw'n unigolyn yn marw, neu'n derbyn gorchymyn yn ei erbyn, neu'n cael ei ddyfarnu'n fethdalwr, neu fod y cwmni'n

cael ei ddiddymu neu sydd â deiseb yn cael ei chyflwyno ar gyfer ei ddirwyn i ben neu yn y naill achos neu'r llall fod derbynnydd yn cael ei benodi neu'n ymrwymo i gyfansoddiad gyda'i gredydwyd

24. Bydd yr Ymgeisydd yn hysbysu'r Cyngor yn ysgrifenedig os digwydd unrhyw un o'r digwyddiadau a nodir yn 24 uchod ac os bydd unrhyw un o'r digwyddiadau hyn yn digwydd cyn talu'r Grant dan sylw naill ai yn gyfan gwbl neu'n rhannol, bydd y Cyngor yn cael ei ryddhau'n awtomatig ac yn ddiamod o bob un o'i ymrwymïadau i'r ymgeisydd.

Cyffredinol

25. Ni fydd y Grant yn cael ei ddefnyddio ar gyfer, neu'n gysylltiedig ag unrhyw weithgaredd sydd neu y bwriedir iddo fod, neu a allai gael ei weld i fod yn wleidyddol bleidiol ei natur.
26. Ni fydd y Grant yn cael ei ddefnyddio er budd neu'n gysylltiedig ag unrhyw sefydliad oni bai bod y sefydliad yn gweithredu polisi cyfle cyfartal effeithiol - wrth ymdrin fel cyflogwr, yn ei ddefnydd o wirfoddolwyr ac wrth ddarparu ei wasanaeth heb ystyried hil, rhyw , tueddfryd rhywiol, cred grefyddol neu fel sy'n ymarferol, unrhyw anabledd.
27. Yn ystod y flwyddyn gyntaf ar ôl gwneud y gwelliannau, bydd deunyddiau cyhoeddusrwydd digwyddiadau yn nodi bod "Cyngor Sir Dinbych wedi ariannu'r isadeiledd i gefnogi'r digwyddiad hwn".

FFURFLEN DDERBYN

Enw'r Grŵp / Sefydliad: Cyngor Tref Rhuthun

Teitl y Prosiect: Digwyddiadau Sgwâr Rhuthun, Gwelliannau Trydanol

Mae'r Ymgeisydd yn cadarnhau ac yn datgan bod:

- (a) Y sawl sydd wedi llofnodi isod yn cael eu hawdurdodi ar ran yr Ymgeisydd i dderbyn y cynnig Grant sy'n ymwneud â'r Prosiect uchod ar y telerau a'r amodau a nodir
- (b) Bydd unrhyw berson(au) a gyflogir gan yr Ymgeisydd mewn cysylltiad â'r Prosiect yn cael gwybod am y telerau a'r amodau sydd ynghlwm wrth y cynnig
- (c) Mae'r holl wybodaeth a ddarperir mewn cysylltiad â'r cais am Grant yn parhau i fod yn wir ac yn gywir ym mhob ffordd ac unrhyw amcangyfrifon a rhagolygon yn cael eu gwneud ar ôl ymchwil ac archwilio dyledus a diwyd
- (d) Gall Arian Grant gael ei dalu i mewn i'r cyfrif â'r manylion:

Enw a Chyfeiriad y Banc, gan gynnwys cod post:

.....

.....

Rhif y Cyfrif:

Enw'r Cyfrif:

Cod Didoli:

Llofnod:.....

Enw

Cyfeiriad:.....

Swydd yn y Grŵp / Sefydliad

.....

Dyddiedig y: dydd o.....2022

RHYBUDD

Os byddwch yn gwneud datganiad anwir yn fwriadol i gael Grant i chi eich hun neu unrhyw un arall efallai y byddwch yn wynebu dirwy neu garchar.